

Post Romanos Scythæ Attila duce hæc loca infederunt, septemque sedes liberas sibi exstruxere. Scythis Saxones successerunt Caroli Magni tempore, qui patria deserta hæc loca infedere, exstructis septem ad Scytharum exemplum urbibus liberis. Postremo etiam Hungari alios subsequuti, partim loci vicinitate allekti se Dacis miscuere: partim injuriis provocari, sub Stephano Pannoniæ Rege quem sanctum indignant, totam istam regionem expugnare. Ab his structa sunt etiam aliquot Opida. Pars Transylvaniæ montosa, ferro devicta est a Mathia Huniade qui Corvini cognomentum habuit, posteaque a Stephano Hungariæ Rege, Mathias ille Draculam quendam Transylvaniæ montosæ Vaivodam hominem inaudita crudelitatis vivum cepit, & post decennii carcerem pristino loco restituit. Transylvania nunc in tres dividitur nationes suis inter se moribus & legibus dissidentes & distinctis terrarum locis provinciam incolentes, videlicet in Saxones, Ciculos & Hungaros. Transylvani Saxones sicut cæteræ nationes omnes Germanicæ, habent peculiarem linguæ dialectum. Urbes & arces incolunt munitissimas, & cæteris nationibus præstant. Sedes eorum sunt septem, nempe, *Zarwariensis*, *Zabesiensis*, *Millenbach*, *Reusmark*, *Segesburgensis*, *Schesburg* forte, *Ollena*, *Schenkerstul* & *Rupensis* sed *Reps* forte, quæ singulæ pagos aliquot subiectos habent. Ciculi Moldaviæ finitima Scythiis oriundi suis legibus & moribus vivunt, suæque officia sorte distribuunt. Hi in septem sunt divisi regiones quas ipsi sedes vocant, quarum nomina sunt: *Sepsi*, *Orbai*, *Kysdi*, *Czyk*, *Gyrgio*, *Marcus Zeek*, *Aranyas Zeek*. Hungari & Nobiles Transylvani passim intermixti Saxonibus cum Ciculis, propemodum tam sermone, quam vestitu & armis conveniunt. Omnes simul Transylvani ad nonaginta & amplius armatorum millia suppeditant. Sunt autem in Transylvania septem urbes celebriores locorum intervallis distantes, inter quas *Cibinium* est Metropolis & *Hermanstai* dicitur. Sita in planitie, nullis prope Montibus impeditur, quin se in admirabilem latitudinem aperiat. Non multo minor est Vienna Austriæ, arte & natura multo est munitior: nam propter frequentes piscinas & stagna non patet exercitui ad eam aditus. Parochiam etiam cathedrali habet. *Brassovia* sive *Corona* Germanis *Cronstai*, quæ & *Stephanopolis* intra Montes amœnissimos sita, mœnibus, fossis & propugnaculis satis munita est. Hic Academia & Bibliotheca insignis. *Bistricia*, *Noesenstai* in amplissimæ vallis planitie sita, utrinque vitiferos colles habet. *Segoswaria*, *Schesburg* partim in edito colle, partim infra ad radices habitata. *Megies*, *Mydwisch* in medietullo Transylvaniæ sita, ferax vini ac rebus aliis omnibus ad quæstum & victum pertinentibus satis referta. *Zabesius* sive *Zaaz* in planitie, valle profundissima, aquis piscium fecundissimis munita jacet. Hanc primariam Saxonum sedem fuisse dicunt. Et *Coloswaria*, *Clausenburg* itidem in planitie suaviter admodum sita, tam murorum ambitu foris, quam ædificiorum structuris intus splendida. Est & hic *Alba Julia* urbs vetustissima, ac sede Episcopali celebris. Hæc in colle declivi sita, circumfusa undique ad duo fere millia passuum planitie. Ab Ortu fluvium Marusium, & ex altero latere amnem *Ompay* Hungarice vocatum, ex Alpibus descendente habet. Olim *Tarmis* dicta, ac regis Decebali Regia tempore Trajani fuit. Numerantur etiam in Transylvania quo ad pensiones taxarum octo parochialia Capitula præcipua, quæ simul Universtatem appellant.

*Bistriciensis*